

Քիւ 26456
Յուլիս 9, 1979

Նորին Սուրբ Օծուիւն
Տէր Տէր Վազգէն Առաջին
Սրբազնագոյն Կաթողիկոս Ամենայն Հայոց
Մայր Աթոռ Սուրբ Էջմիածին.

Վեհափառ Տէր,

Շարիզի մէջ Ձերդ Սրբութեան հետ տեսակցելէ յետոյ, Թեմական Խորհուրդի Յունիս 15ի նիստին մէջ կրկին անդրադարձանք Վեհիդ 1979 Մարտ 12 եւ Ապրիլ 6 թուակիր նամակներուն:

Սոյն գիրով կը փափարինք յայտնել Ձերդ Սրբութեան թէ Թեմական Խորհուրդը իրազեկ է Վեհիդ բաղձանքին Գանատան անջատ թեմի վերածելու եւ Թորոնթոյի մէջ երկրորդ ծուխի մը կազմուիլը հաստատելու:

Այս ծրագիրներու իրագործման համար Թեմական Խորհուրդը պարտաւոր է նկատի առնել Գանատայի հաւատացեալներուն մէջ յառաջացած ներքին հակամարտ զգացումները, ստեղծուած տարրեր խմբակցութեանց միջեւ գոյութիւն ունեցող վէճերը եւ անհամաձայնութիւնները, եւ նիւթական պարտաւորութիւնները որոնց պիտի ենթարկուին անջատ թեմի մը ստեղծումով:

Ներկայիս շենք կրթներ որ անջատ թեմի մը ստեղծումը կըրնայ իրականանալ առանց յաւելեալ խոտովութեանց, որոնց հետեւանքով պառակտուած պիտի մնան Գանատայի մեր զաւակները:

Օրինաւոր եւ կարգապահ ոգիով իրականացնելու համար վերոյիշեալ նպատակները, մենք պէտք ունինք Ձերդ Սրբութեան եւս վստահութեան, իմաստութեան եւ հեղինակութեան:

Անկասկած որ մեր ուշադրութեան առարկայ պիտի ըլլան Գանատայի մեր հաւատացեալներէն նկատ թելադրութիւնները, քայց մեր որոշումները Գանատայի հարցին մէջ պիտի շտնուին մընշումներու ներքեւ որեւէ մասնաւոր խումբի մը եւ կամ հրատարակուած գրութիւններու:

Ներկայիս, մեր եւ Թեմական Խորհուրդի կարծիքն է որ վերջնական իրազործումը անջատ թեմի մը կազմութեան աւելի ժամանակ սպառող հարց մըն է, եւ ենթակայ պիտի ըլլայ ոմանց բաժանութեան եւ այլոց ընդդիմութեան, ինչպէս արդէն իսկ այդ վերաբերմունքը ցոյց տրուած է եւ այդ հակամարտ դիրքաւորումները ուժգնօրէն արտայայտուած են:

Մեր կարծիքով այս ուղղութեամբ որեւէ ուրիշ աշխատանք պէտք է կատարուի Առաջնորդին եւ Թեմական Խորհուրդին հրահանգով միայն, գործակցութեամբ Գանատայի մեր հաւատացեալներուն, եւ համաձայն Գանատական պետական օրէնքներուն:

Գանատայի վերջին իրադրութիւնները նկատի առած, անհրաժեշտ է հաստատել եւ մեր ժողովուրդը դաստիարակել յարգելու Վեհիղ կողմէ վաւերացուած Թեմական Կանոնադրութիւնը, ըստ որում Առաջնորդին եւ Թեմական Խորհուրդին միայն իրաւասութիւն կը տրուի որոշումներ ատենելու նոր համայնքներու եւ անջատ թեմի մը կազմութեան հարցերուն մէջ:

Ներկայ պարագային, Թեմական Խորհուրդը պիտի որոշէ ժամանակը, միջոցառումները եւ պայմանները

1. Յաւելեալ համայնքներ կազմակերպելու Գանատայի մէջ.
2. Կազմակերպելու եւ օրինական միջոցներով իրականացնելու հաստատումը անջատ թեմի մը Գանատայի մէջ:

Չերդ Արքութեան ներկայացնելով մեր եւ Թեմական Խորհուրդի մտածումները եւ յստակ ընելով մեր վերապահումները ստեղծուած կացութեան մասին, կը խնդրենք Չերդ Վեհապառութենէն որ արդիւնաւորելու ճամար առաջադրուած նպատակները եւ փարատելու համար որեւէ կասկած Թեմական Իշխանութեան իրաւասութեան մասին, առաջին առիթով հաղորդէք մեզի Վեհիղ Խորհուրդը եւ հրահանգը:

Կաղօթենք Չերդ Արքութեան կենաց արեւշատութեան համար, եւ մատչիմք ի համբոյր Վեհիղ Օծեալ Աջոյն:

Խոնարհաբար

ԹՈՐԳՈՄ ԱՐԸՆԳԻՍԿՈՂՈՍ
Առաջնորդ